

SARS YI YA EMAHLWENI YI TIRHA

PRETORIA, Ravunthanu ti 29 Nyenyankulu 2019 - Mitirho ya Khasitomo ya SARS etindzhawini to nghena hi tona ngopfungopfu emindzilekanini, a yi kavanyetiwangi.

Tindzhawu hinkwato ta mindzilekani ta Khasitomo ta tirha na matshalatshala ya vekiwile. Khasitomo yi kumile nseketelo wukulu wo suka eka tiejensi ta nhlaysi wa nawu etindzhawini hinkwato ta mindzilekani, ngopfungopfu ku suka eka Vukorhokeri bya Maphorisa bya Afrika-Dzonga, naswona leswi swi fikisile eka nkucetelo wutsongo eka yona. SARS yi hlerile swiviko swa vuhangalasangungu, leswi kombiseke tithiraka to hlaya ti pakile ti tele endzilekanini wa misava, leswi vangiweke hi thirafiki ya ntolovelo ku nga ri xitereka, loko tithiraka ta ha yimerile mbhasiso loko ti nga se phurosesiwa.

SARS yi tsundzuxile matikoakelana, Southern African Development Community (SADC) na Southern African Customs Union (SACU) mayelana na xitereka lexi, masiku lawa ya nga hundza, a va hlamarisiwangi hi nchumu. A ku va ngi na nkucetelo wo biha eka vona.

A ku ri na matshalatshala yo ringeta ku chavisela vatirhi no kavanyeta mafambelo ya mimovha etindzhawini ta mindzilekano, kambe va SAPS va tirhanile na xiyimo. Mutirhi un'wana wa SARS u khomiwile endzhawini ya ndzilekani wa Lebombo, a hi tivi loko ku vi le na timhangu kumbe mihlwelo yin'wana.

Mayelana na marhavi ya SARS, SARS yi ya emahlweni yi valanga leswi humelalaka emathelo hinkwawo, naswona leswintshwa swi nga kumeka eka webusayiti ya hina na twitter feed @sarstax. Vuxokoxoko byo yelana na vukorhokeri bya marhavi, ku katsa na leswi u faneleke ku swi endla loko u nga fikeleli rhavi ra SARS, vukorhokeri bya kumeka eka tipulatifomo leti.

Ehandle ka 53 wa marhavi laha tikweni hinkwawo, 33 ya pfariwile hikwalaho ka nomboro ya le hansi ya vatirhi leyi te ke ntirhweni. Vanhu va Afrika-Dzonga va hlohloteriwa ku tirhisa matshalatshala yan'wana yo hakela:

Eka hakelo ta xibalo:

- Erhavini ra bangi;
- EFT; kumbe
- Hi ku tirhisa [eFiling](#).

Ku kuma vuxokoxoko byo tala eka mihlawulo ya tihakelo ta xibalo, endzela [webupheji ya How do I Pay](#).

Eka tihakelo ta Khasitomo:

- [eFiling](#); kumbe
- EFT.

Ku kuma vuxokoxoko byo tala eka mihlawulo ya tihakelo ta Khasitomo, endzela webupheji ya Customs Payments kumbe www.sars.gov.za.

Mayelana na swivutiso swa swikweleti swin'wana na swin'wana leswi kayiveleke na malulamiso ya yimiso, swikombelo swi nga rhumeriwa eka tiimeyili adirese leti llandzelaka:

- Debt1@sars.gov.za erhavini ra Alberton (ku katsa na Nigel, Germiston, Brakpan, Boksburg, Benoni, Vereeniging na Springs)
- Debt2@sars.gov.za ePretoria, Swifundzakulu swa Limpopo na North West
- Debt3@sars.gov.za eSwifundzenikulu swa Kwazulu Natal na Eastern Cape
- Debt4@sars.gov.za eSwifundzenikulu swa Western Cape, Northern Cape na Freestate
- Debt5@sars.gov.za eMegawatt Park (ku katsa na Johannesburg, Roodepoort, Randfontein na Krugersdorp)

Lokohletshelo SARS yi tekela enhlokweni mfanelo ya vumbiwa ya vatirhi yo tereka, i swa nkoka eka vutihlamuleri bya mfumo ku tiyisisa leswaku wu na switirhisiwa swo ringanela ku nyika vaaki hi mfikelelo wa vukorhokeri bya nhletelo wa swa rihanyo, swakudya na mati leswi ringaneleke, nseketelo wa vanhu, tindlu na dyondzo ya masungulo.

SARS yi le ku endleni hinkwaswo eka matimba na vuswikoti bya yona ku ololoxa nkwetlembetano.

SARS yi kumile xileriso xa masungulo xa Khoto ya Vatirhi lexi alelaka swirho swa Mihlangano ya vatirhi ku phiketa etindzhawini leti nga vuriwangiki eka Milawu yo Phiketa ya CCMA leyi humesiweke hi ti 18 Nyenyankulu 2018. Leswi swi landzela ku phiketa loku nga ri ki enawini na ku hlangana loku nga ri ki enawini leswi humeleleke ehandle ka tindzhawu leti ku twananiweke tona, ku nga, Hofisikulu ya SARS eBrooklyn, Pretorius na Alberton Campus.

SARS na Nhlango wa Vatirhi va hlangana namuntlha, Ravuntlhanu, ti 29 Nyenyankulu 2019 eka CCMA ku burisana eka mikanelo ya ximfumo hi xikongomelo xo hundzuluxa Milawu yo Phiketa.